

Implementacija Zakona o carinskim tarifama

OHR toplo pozdravlja jučerašnju jednoglasnu odluku Vijeća ministara o prestanku primjene preferencijalnog carinskog tretmana na uvoz iz Republike Hrvatske i Savezne Republike Jugoslavije. Ova odluka je direktan rezultat odluke o prestanku primjene Sporazuma o ekonomskoj saradnji (Splitski sporazum) između Federacije i Hrvatske koju je Predsjedništvo donijelo 20. aprila 1999. godine. Vlada Republike Srpske je ranije usvojila Uredbu o prestanku primjene Uredbe o trgovini sa Saveznom Republikom Jugoslavijom (5. februar 1999. godine).

Nova carinska politika Bosne i Hercegovine će se od 15. maja 1999. godine u potpunosti implementirati u svim dijelovima zemlje. Sa tim datumom oba entiteta će prestati sa primjenom preferencijalnog tretmana na uvoz iz Hrvatske i Savezne Republike Jugoslavije, naplaćujući i carinske tarife i dodatne uvozne carine prilikom ovih uvoza. Dodatne uvozne carine će također zamijeniti nezakonite prelevmane na enitetskom nivou.

Ovo predstavlja značajan korak u normalizaciji ekonomije Bosne i Hercegovine. Po prvi put, Bosna i Hercegovina se može smatrati jedinstvenom carinskom teritorijom. Budžeti oba entiteta će od toga imati ogromnu korist. Odluka Vijeća ministara također uklanja značajnu nepravilnost u unutrašnjoj trgovini između dva entiteta i pomoći će smanjenju izbjegavanja plaćanja fiskalnih obaveza.